



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda in Scholis Medicorum, die Mercurii decimo-sexto
mensis Junii, anno Domini M. DCC. LI.*

M. LAURENTIO FERRET, Doctore
Medico, Præside.

An Clivi Meudonici situs, ut amœnus, sic salubris ?

I.



BEATUS ille, qui procul urbis fumo ac strepitu, dulcem captat
ruris auram omni solutus negotio; sibi vivens & amicis numerat
sine nube soles. Vides ut surgens sopitas aperiat palpebras roseis
aurora digitis, ut variis, quos terræ fructibus appingit, oculi re-
creentur coloribus, ut miro avium concentu aures demulcean-
tur. Esurienti dulcius sapit elsa, jovis aurâ spontaneam obfo-
nante famem. Agrestia nunc, nunc culta percurrit indefessus; naribus blandè

A

favet zephirus pennâ jocanti mulcens odoratos flores; indè diurnas emenſus horas, placidâ dat membra nocti. O nimum fortunatus, ſi ſua bona norit! Nec tamen ruſticationem ſua ſemper merces ſequitur; non enim omne ruſ omnia fert commoda. Terra obnoxia cœlo eſt. Sæpè plura nitent humi, ubi cœlo plura ſordent. Fallit aliquandò ſoli facies, & primâ fronte ſalubria incautos decipiunt. Floribus amœnis & pulchrâ fronde ſubridens arbor vacuum non rarò deluſit colonum. Tibi dulce eſt valere in loco? Situm obſerva: montium ac vallium diſpares fortunæ. Non ubivis circumfluit purus aer, molliter ſpirant venti, ſalubris unda manat. Non benigno quemque locum Sol ſalutat aſpectu. Ut à ſitu dulcedo loci, ſic ſalubritas.

I I.

SUNT quos ſuper ardua montis culmina penates inſtituiſſe juvat, aquilarum more ſuſpenſos; latè proſpiciunt ii, hinc fortunati ſibi plaudunt. Humiles habitare plagas amant alii, ſolos ſanos viventes clamant in valle. Hunc, ſi juvat umbra & nemorum reſceſſus; illum, ſi aprium amat campum patiens pulveris atque ſolis; gaudentem in fluminis ripâ hoſpitari; quibuſvis rationibus nunquam dimoveas. Oppidi laudat quiſque rura ſui. Sapit omnium maxime, qui ſalubre dulci miſcet. Tellus depreſſior, imâ latens convalle, ſtagnantibus obruitur aquis, ære libero ac perſtato orbatu; aut horret tempeſtatibus, aut ventis datur ludibrium montis cacumine ſtatio edictor. Curvo ſub colle degentem coquit acrior ſolis æſtus. Vapores humidos mittunt ſylvæ & frigus opacum: fibras relaxat & inducit humoribus putredinem unda multa circumfluens, aut proximior amnis. Vicinas præſertim fuge paludes, quæ virus eructant & morbos. Nec ventorum ſperne rationem; diſiſum imperium cum elementis habent, ſanitatis fortunæ & fata ſecum vehunt; quorum ortus reſpice ſtudioſus. Corpus hebetat & ſolvit plumbeus auſter; aquilo firmat & excitat. Aſſert ille maturam ſenectutem; longam hic alit adoleſcentiam. Lethali humidus frigore altius penetrat ab Occidente ventus, ab Oriente tepens & ſiccus poros referat. Ergò locum capies qui ſic ſubſideat in valle, ut æra laxum excipiat, vel ſic conſurgat in collem, ut ſole nec æſtuet, nec ventis rigeat. Orienti expoſitus, clemens experiatur cœlum, molleſque auras frequentius quàm ventos habeat. Sed & aquas obſerva: ut ecceſi, ſic ſoli ſalubris dant indicia. Seu ſcaturiat è fonte lympha, magno ſeu flumine volvatur, levis & limpida ſtomacho gratior bibitur & ſalubrior. Nec verò tantum fluentes aquæ, ſed & ſponte nalcenſes herbæ ſoli indolem eloquuntur. Ex levi enim teneroque ſolo plantularum ſylva pullulans odors ſcantenſque ſpargit vapores, cerebro pulmonique peritiles. His gaudenti commodis, ſi deur ſimul longos proſpicere agros, hujus & mens recreatur, & corpus ſervatur incolume. Ubi igitur tot & tanta conſociata inveneris commoda, ibi ſecurus pone larem.

I I I.

AD Occidentalem Lutetiæ partem, mediâ inter hanc & Verſaliarum urbem viâ, ſecundum Meridionalem ſequanæ ripam, collis aſſurgit; qui regiam prætexens viam, ab Occidente definit in juga Seviriana, & verſus meridiem Meudoni lateri accumbit. Jucundo hujus clivo locus ineſt, cui ut decus, ſic & nomen, elegantia ſua facile princeps aſpectu aſſuerit. Hic ſtet contemplator, & avidis oculis mirabili ſpectaculo inhians, velut è ſpeculâ rura circumpatentia proſpiciat. Non per inane vagatur oculus, locorum tantum exſpatiatuſ deſerta, hæc plena tædii; non ex alto præ-

ceps cadit in infima nimis, attonitum reddunt caput hæc potius quam reficiunt; non distant nimis limite remota aspectat, quæ fatigant mentem nondum recreant. Rident omnia oculis, & animos oblectant; undique rerum ordo, copia, apparatus. Uno aspectu metiris horizontem, quem pictoribus vix tantum fingere fas sit, quantum efficere naturæ fuit promptum; oculi nullibi blandius acquiescunt. Delicias ruris maritatas artis opibus cerneres, adeo jucundus est, adeo dives vastus ille amœnitatis campus! Sed quid spectatorem moror? Aërias ab Oriente Urbis turres & populosa suburbia, ab Occidente, nemorosos Sanctovii colles atque palatia miratur. Miratur & sequanam qui, ubi vestigales Parisinis nymphis undas devexerit, fugit ab urbe. Multum salutat litus fluens amnis, alius semper & idem. Nunc medicatis collis Passiaci fontibus allabitur, nunc aspicit illud Martis monumentum, ubi honesto truncati vulnere, veterani bellatores sanguine emptâ quiete fruuntur; mox aspiciet surgentem à fundamentis, jubente Marte altero, æmulam domum, ubi delecta juvenus, militiæ rudimentis informata, discet petere pulchram, per ignes, per vulnera, mortem. Indè profluens, quasi captus amœnitate loci, curvo tramite laudati collis oras alluit. Insulas circum suspensis ludit aquis, nec, nisi post dulces moras, ad Sanctovium properat. Quid plura? Obsequiosum videre est amnem, obversatam planitiem femilunari circuitu ambire. In quâ, quis numeret tot prædia? Quis tot elegantes villas? Hic frequentatum Bononiense nemus, eique adjacentes vicos aspicere, nostrates illic elysios campos & antiqua regum tecta, lætissima ubique prata, luxuriam segetum, bacchi munera lustras octas, continuis non sine nomine montium jugis, ad Amphitheatri normam dispositis, vasta circumscribuntur hæc loca. Talia prospicit locus ille, utrinque pampineis comitatus collibus, plurimæque à tergo sylvâ coronatus. O faustum elivum, inhospitam nuper atque haud tritam tellurem! Sorte dignus eras aliâ: apta ponendæ domo, reperta es area; ipse te, *Belvisus*, sequana, ipsi te colles, ipsa hæc nemora vocabant. Nec operosæ arti tuum debes nec impensis decus. Quid enim optanti dives deneget solum? Viscera aperias? saxosa sunt, circum circâ fodias? calcem, gypsum, arenam, invenire est; egregii fundamina laboris. Nec deest nuntia lymphæ glarea; undique scaturiunt rivi. Diceres ad hoc opus gaudentem versari terram, artificum vota superasse. Hinc cælo novum se prodit ædificium. Sed ut opificis labor, sic laus, ista sint. Quod Medicorum esse tractant Medici. Quæ grata sæpè sunt sana; sed quæ sana, grata magis.

I V.

JA M quàm multa ferat salubria faustus ille situs, audi. Ad Septentrionem leviter declinans, Solique nascenti obversatus, primis ejus radiis collustratur; unde, roseo sursum elevato humore, purgatus aër, pulmone purissimus trahitur. Spirantibus & ab ortu & à Septentrione ventis perflatur, juvandæ cutis exhalationi per quam idoneis. Medio collis clivo recumbentis loci siccam temperiem laudes. Ut veniens dextrum latus aspicit Sol, sic discedens curru fugiente lævum vaporat. Nec ea est vicinia montium aut proceritas, quæ, Solis geminans incendia, collem faciat æstuosum: libero patenti aere fruitur; nullo, orientem versis, montium objectu venti disturbari, planities facile ac liberè incumbentes, per campos felicissimè collem versis excurrunt. Hinc quàm purus aër, quàm absterfus, sequanæ, quibus videtur ferri, refrigeratus undis; ad collem primâ potissimum luce ap-

pellit, & incolas recreat. Hæc venti præstant; hæc sequana, qui solaribus ubique expositus radiis, stagnans nunquam, nec citior, leni & æquabili cursu properat, singulis vitæ beatioris usibus & commodis non impar. At quid ego de sequanâ? Jucundus collis felici enatas sinu lymphas excipit. Hæ gratæ palato; viscera facillè permeant; leves stomacho, pectoris amicæ, sitim fugant suaviter & explent, appetitum promouent & excitant. Non illæ vel levissimam vasis crustam obducunt, non lentè excoquunt legumen, faciles subiecto igne penetrari, faciles nativum frigus resumere. Undis aded salubribus irrigatum salubre pronuntiare solum, quis dubitet? Quod ni credis, solum explora. Diversis habitatum reperies plantarum familiis, quæ suaves inter se miscent odores, cerebro nervisque gratissimos. His inspiratis, pulmonis fibræ leniter titillatæ roborantur; sanguini, quovis cardiaco certior, vis additur, succoque digestivo virtus imprimitur, omni pharmaco longè salubrior. Quod tandem certius salubritatis indicium quàm gaudentes solo vites? Bacchus amat colles, Bacchus aëris puritatem, & telluris salutiferam indolem nuntiat.

V.

EX E G I quæ celebrandi sitûs erant. Hic mentem exhilarant oculorum illecebræ; cum aëre spiratur, hauritur cum lymphâ sanitas. Nimiùm ne credesensibus, inquiet aliquis: loci captus dulcedine situm salubrem citius exclamas. Ventos undique depræliantes, humidos vicini amnis halitus, torrentem totâ die solis æstum, tu inter sanitatis commoda reposueris? Qui vigeat inter hæc functionum integritas? undique bellum & insidiæ; nullo non die, nullâ non horâ mutatur loci temperies: vana meticulosi verba! clivi recordare situm; Meudonici montis tectus culmine, Villadavraique & Sanctlovii collibus defensum, quid à meridie pertimescat? Quid ab occidente? Hinc atque indè convallatur locus; Eurique & Boreæ alternis vicibus expositus, nec præcipitem Africum decertantem Aquilonibus, nec rabiem timet Noti: at urges; rapidi saltem Aquilonis insultus perferendi: hinc tusses, faucium asperitas, alvi restrictio, suppressio urinæ, frigora, horrores, dolores lateris & pectoris. Hæc satis, ô querule; Aquilonis vim lenis Eurus temperat, mulcetque radiis sol beneficis. Sed quid boream criminaris? siccus ille detergit aëra, frigidoque spiramine mitigat solis ignes. Nec purum amnem inculca, ferentemque dona ne timeas sequanam; ut haustu salubrior nullus, sic vapore nullus magis innocuus. Quid plura? Potiorem nosti-ne locum? Est ubi plus repeant hyemes? Ubi Syrii æstum leniat aura gratior? Præsertim vere cum tempestas arridet, floribusque conspergit anni tempus herbas viridantes; dulce ridentem clivum laudabo, dulce spirantem.

Ergò Clivi Meudonici situs, ut amœnus, sic salubris.

Proponebat Parisiis, SIMON - ANTONIUS BRINGAUD;
Pontælianus, Rothomagensis, Saluberrimæ Facultatis Medicinæ Parisiensis
Baccalaureus, A. R. S. H. 1751, A SEXTA AD MERIDIEM,